

نسبتله مسطحدر جزیره مذکوره بی تشکیل ایدن جبل قنہ لی اطہ سندن
 مرتفعدر زمینک هر طرفی سنکستان اولدیغی کبی چاقل طاشلر
 ایله مملودر قنہ لی اطہ ده اولدیغی کبی بورا ده دخی اشجار نادردر
 اشبو جزیره پیشکاهنده واقع پتہ نام جزیره مسطحه ایله بونک اراسی
 برلیمان حکمنده بولنوب اورا ده برغوس اطہ سی قریه سی انشا
 ایدمشدر وارا ضیسنک باغ و بستان یتشدیر مکہ قابلیتی واردر
 (بقیه سی صکره) (قسطنطنیدی)

(ماوراءالنهرک احوال حاضرہ سی)

سیرک جانب جنوبیسنده و بحر خزر ایله ارال دکزینک ماوراسنده
 آسیای وسطی اسم مبهمی ایله معروف بر خطه جسمیه واردر که
 فی زمانتافن جغرافیاخیلی ایلرولش اولدیغی حالده اورالی الیوم دخی
 لایقیله معلوم دکلدر روسیه لول اشبو ممالک بعیده دن بر ضبط ایله
 توسیع دائره حکومت ابتدکی حالده اوروپا ده افکار عامه نک
 بوندن طولای دو چار تلاش اولماسی دخی شوسیه مبنیدر
 فی الواقع برطاقم بادیه نشین قبائلک روسیه تبعیننه کیرمسنده و بعض
 اراضی غیرمنبتہ نک روسیه دولتک داخل دائره حکومتی اولسنده
 نه بأس واردر بومقوله ممالک غیرمعموره روسیه دولتک تراید
 قوه مالیه و عسکریه سی موجب اولمز و بنیه وجودی فوق العاده
 جسامت کسب ایدن برادمت قوه حیاتیه سنه خلل طاری اولدیغی
 مثالو بر دولتک حددن زیاده توسیع ملک ایتسی ضعف وفتورینی

مستلزم اولور ايسه ده روسيه دولتي ضبط و تسخير ابتدائي یرری
اجزای حکومتنه ادخال ایتکده ماهر اولد یغندن روسیه لولرک
اول حوالده ضبط ممالک ایتلرینه نظریه قیدی و امنیت ایله بافق
موافق عقل و حکمت اولد قدن بشقه آسیای وسطا نك منابع
طبیعیه ثروتی تجارت و بولتیقه جه اهمیت حقیقه جهل تام ابراز
ایتکدر . روسیه دولتی حوالی مذکور نك احوالنه دائر معلومات
تامه استحصال ایله برابر دلی پترو نك وقتندبرو نظری اول طرفه
معطوف بولنش ايسه ده اول امر ده نباتی کتم و اخفا ایتش
واسباب لازمه سنی تهیئه ایتد کدنصرکایشی میدانه چیقار مشدر .
حتی ۱۸۴۱ سنه میلادیه سنده بعض ارباب بولتیقه بعض
علا یغندن روسیه دولت نك نباتنه انتقال ایتش و خصوصیه فرانسه
دولت نك خارجیہ نظارتنده بولنش اولان متوفی موسیو (طوونل)
روسیه لونك توسیع دائره حکومت ایتسی علی العموم اوروپا جه
مضر اولد یغندن بوماده یه نظری قیدی ایله باقلمسی جائز
اوله میه جغنی اعلان ایتش ايسه ده هیچ بر تأثیری کور یله مام مشدر .
روسیه او ماورالنهری قبضه تسخیر الدبغی حالده اورا دن
هندستان حدودینه کچهرک انکله لویه رقابت ایلد جکی درکار
اولد یغندن بومحذورک دفعی ایچون روسیه لونك اورال یقلاشد برلما سی
انکله لویه اهم آوردن ایکن هر نصل ايسه اودخی شمیدی به
قدر اغماض عین ایتشدر . فقط بر سنه د نبرو روسیه دولتی
مساعی متادیه سنک ثمره سی اولق اوزره اورالده بلاد مهمه و ایالات
وسیه ضبط و تسخیر ایتد یکنندن انکله غزته لری تلاش ایتکه
باشلامشدر .

انكلیزلر کندو منافعلرینک تهلکه ده بولند بغنه یقین حاصل
ایتمش اولدقلرندن (موسیو جون) و (موسیو روبر) نام ذاتلر
روسیه دن اولساید معلومات صحیحه بی حاوی برطاقم اوراق جلب
وتدارک ایتمش لر در . اشته اوراق مذکورده دن النان معلومات
اوزرینه روسیه دولتک حوالی مذکورده اول امرده خفیا و بعده
علنا از وقت ظرفنده وقوعبولان مظفریاتنه دأر بروجه آتی بعض
تفصیلات اعطاسنه ابتدار اولنور .

روسیه لونک مدت مدیده دنبروکال حرص ایله ضبط واسنیلا سنی
امل ابتدکی بوالکندر آسیای وسطی و تاتارستان و یاخود ترکستان
بالکرسیرک جنوب طرفنده واقع بو ادیدن عبارت اولیوب حدود
چیندن نبعان و شرقدن غربه طوغری جریان ایدرک ارال دکرینه
منصب اولان سیمچون و جیمچون نهرلرینک کجدیکی ممالک معموره دخی
مذکورالکادا خلنده در . چین طاغیری ایله هیالایه طاغی یینده
واقع پامیر دینلان اراضی و سبعة نک صولری دخی برطاقم ایرماقلر
واسطه سیله ذکر اولتان نهرله جریان ایلا یکنندن بویله موقعک
اهمیتی محتاج ابضاح دکدر . ازمنه قدیمه ده جیمچون نهری بحر
خزره قدریمتد اولد بغی جهتله اولوقت آسیانک کافه معاملات
تجارتی نهر مذکور واسطه سیله وقوعبولورایدی . صکره لری نهر
مذکورک مجراسی تبدل ابتد یکنندن و ترکستانک سکنه متعصبه سی
مملکتلرینی اجانبه بالکلیه سد ابتد کلرندن چین و هندستان امتعه
واشیانک اوروپایه نقل ابصالی ایچون برطریق اخر تحریری لازم
کله رک کاروانلرک برینه سفائن قائم اولمش وانکلتزه دولتی سفائنک
کثرتی سببیه ممالک شرقیه تجارتنک اکثریسی کینه وسنه حصیر

ایلمشدر

روسیه دولتی اوروپا ایله آسیا بینده واقع اولدیغندن مذکور قطعہ لک
تجارتیه ممالکنی بر مجزن جسمیم هیئته قویق افکارینه دوشمش
اولدیغندن یوز اللی سنه دنیو معاملات پواتبقیه سنده شوتصوری
اساس انخاذایتشدر . مقصد مذکورک حصولی ایچون اول امر ده جیچون
وسیچون نه رلینی ضبط ایله جیچون نه رینک مجرای قدیمی کشاد
ومیاہ جاریه سنی اتل نه رینه اجرا ایله بر اوجی روسیه دولتک
مقر حکومتی اولان پتر سبور غه و دیگر اوجی هند و قوشه منتهی
بر طریق احدائی اقتضای حالین اولوب شوخطب جسمیم ایسه عدم
الاجرا اولدیغندن سیچون نه ری صولینک جیچون نه رینه اجراسی
و بو وجهله میاه کلیه نک بحر خز ره قدر یول بولسی ضمننده بر جدول
انشا ایتک نیتنده اولدیغی مرویدر .
فقط روسیه لو بیوک پتروک تصورینی اجراده مصادف اوله جغی
مشکلات اشو مشکلات طبیعیه دن عبارت دکدر شویله که قرغز
طائفه سنک متمکن اولدیغی چواللرک جنوب طرفنده واقع اوج
خانلک هم متمدن و همده متعصب اولان اهالیسی و خصوصیه
ترکستانک قلیکاهی و مشهور تیمورک پای تحت قدیمی اولان سمرقند کی
بربلده جسمیمینی حاوی بولسان بخارا مملکتک بسالت
ودرایتله مشهور اولان سکنه سی طرفلرندن تجاوزات اجابنه ممانعت
اولنه جغی درکاردر .

مملکت مذکوره داخلندن جیچون نه ری مرور ایتدیکندن ایوم
دخی خیلی تجارتی اولوب چینلو و ایرانلو و تاتار و قرغزل مملکت
مذکور به اعلا منسوجات قطنیه و اقمشه حریره کتوررل :

و تركمانك معمولات نفيسه لى اوراده فروخت اولنور . اهالي سى
 فوق الغايه متدين و علماسى علوم شرعيه ده متفنن اولديغى جهته
 روسيه دولتى سهولته اجراى مرام ايلك اوزره اورالده حامى
 شرع مابين صورتنده كوريندر كچوللرده جوامع شريفه انشا
 ايله برابر قرغزلره قرآن كريم تعليم ايتكده و بو وجههله كويا
 اسلاميك انتشارينه سعي ايتكده در . اشته روسيه دولتك اشو
 اصول متخذه سى مجرد تسخير ممالك مقصدينه مبنى اولديغى جاى
 اشتباه دكلدر .

بخارا نك جانب غريبيسند . خيـوه خانلى اولوب جيحو ن
 نهرينك برو طرفنده وارال دكزينك حوالى جنوبيسند . واقع
 اوله رق اطرافى بوادى غير منته ايله محاط بر مملكت معموره در .
 مملكت مذكوره بلاد جسيمه و اراضى لطيفه يى حاوى اولوب محصولاتى
 بك چوقدر اوراده امر تجارت ترقى بولديغى كې زراعت دخى
 ايلرولاش اولديغندن محصولات ارضيه و صنايعيه سى ايران و چينده
 يك مقبولدر فقط هر درلو محصولات اوزرينه اغر و ير كول طرح
 اولمش اولديغندن شو حالك امر زراعت و تجارت حقنده سوء
 تأثيراتى مشهوددر . بر طرفدن دخى بوادى مجاورده قبائل باغيه نك
 تسلطى و ديكر طرفدن طرق و معابر ك فقدانى ممالك مجاوره ايله
 مبادله امنعه و اشيايه مانع اولمشدر

خيـوه حكومتى ايله روسيه دولتى بيننده برقاچ بوز سنده دنبر و
 يولتيقه جه مناسبات موجود ايسه ده يئنه رنده صيق صيق مخاصمات
 وقوع بولور ۱۸۳۹ تار پختنده (لورد اوقسلاند) انكلستره دولتى
 طرفندن كابلى ضبط ايتديكى حالده روسيه دولتى دخى انكلستره

دولتک ترکستان اوزرینه یورویوبده شکارینی قاپماسندن خوف
ایتدیکنندن خیویه جنزال (پروفسکی) قومانداسنده بر مقدار عسکر
سوق ایتشیدی . روسیه دولتی خیویه خائنک کویا روسیه دولته تابع
اولان قرغزلی عصیانہ تحریک ایتدیکنی و روسیه کاروانلرینی نه ب
ایدرك بر قاقچوز روسیه تبعه سنی اسیر ایلدیکنی اولیابده سبب اولق
اوزره درمیان ایتش ایسه ده اصل مقصدی انکلتزه دولتک آسیای
وسطاده برلشمسده ممانعت ایتک ایدی . فقط عساکر هر قومه هیچ
برایش کوره میوب بر مقدار اری ارال دکزی حواله سنده واقع
بودیده تلف اولش و بقیه سی هزار زحمت و مشقته اورنبورغه
مواصلات ایتشدر . روسیه دولتی خیویه طرفنده وقوعبولان اشبو
هزیمتی اوزرینه تاتارستان کیرک مواقع مهمه سندن اولان خوفند
طرفلرینه هجوم ایدرك آتیده بیان اولنه جنی وجهله اورارده نائل
مرام اولمشدر . خوفند بخارایک شمال شرقیسی جهته و قرغز
طائفه سنک ممکن اولدقلری بادیه کیرهک جنوب طرفنده واقع
اولوب درونندن سیحون نهری جریان ایتدیکی جهته اراضیسی
غایت غنیت و محصولداردر . فقط حکومتک محور لابغنده جریان
ایتماسندن و روسیه لولک تحریکات و اغفالات متوالیه سندن ناشی
وقوعبولان اختلال و ممالک متجاوره ایله ظهور ایدن محاربه ل
مملکتک خرابیینی موجب اولمشدر . اهالیسی بخارالور کی شجیع
اولدقلری جهته نیچه دفعه ل بالکن بر قاق یوز کشی طاشکند
و خوفند و چکنند کی بلاد جسمیه یی ضبط و تسخیر ایلشدر .
خوفند لولک اسباب معیشتلری چین ایله اورنبورغ بندده نجاره
منحصرا اولدیغندن مظهر اسایش اولق و صنعت و نجارتلرینی

ایلو لئک اوزره اوروپا مدینتک مملکتلرنده اندشارینه نظر نقرتله
باقیه جقلری درکاردر .

ترکستانک جهت شرقیه سنده تاتارستان شرقی اسمیه معروف
برقطعه جسمیه وارددر که چین دولته تابعدر . قطعه مذکوره واسع
وغیرمنبت صحرالردن عبارت اولوب حاوی اولدیغی برقاچ بلده سی
چین دولتنک انواع مظالمه مظهر اولدیغی حالده ینه مرکز
تجارتدر . کاشغر شهری بلاد جسمیه سنددر . مملکت مذکوره ده
منتظم بولار انشا و محاربه و عصیان ظهورنده بخابرہ ایچون تلغراف
پوسته لری احداث اولمشدر . قطعه مذکوره اعصار کثیر دنیرو
چین دولتنک تحت حکومتده بولنش ایسه ده اهلایسی مسلمان
اولوب دین و عادت و لسانجه بالکلیه بشقه بر ملتنک زیر حکمنده
بولنغی ایستمدکلری جهته صیق صیق اختلالر وقوعبولفده و حتی
کچن سنه کاشغرو یارکند شهرلرنده اختلال ظهور ایدوب الحاله هده
مندفع اولوب اولدیغی مشکو کدر . اهالی مر قومه چین دولتنک
حکمندن چیققی ایستمشلر ایسه ده دیگرلرینک زیر حکمنه کیرمشلردر
شوبله که خوفندولر روسیه لولرک استیلاری اوزرینه مملکتلرندن
طرد و تبعید اولندقلری جهته قطعه مذکورده وقوعبولان
اختلالاری فرصت اتخاذ ایدرک اورالری بغته ضبط و استیلا
ایتمشلردر .

بورایه کلنجیه دکین آسیای وسطانک احوال طبیعه سانی بیان
ایتمش اولدیغی بوندن صکره روسیه لولرک اورالده برقاچ
سنه دنیرو زولری ضبط ایتمدکلرینی بیان ایدرز .
روسیه دولتی اوروپا ایله آسیا بیننده واقع اولدیغی جهته ایکی

طرفه طوغری توسیع ممالک ایتکدن کبرو طور مامقده در . حتی
چرکزستان طرفلرینی ضبط ایتسی بیوک پتروک ذهاب پولنیقه سنک
اخلافته انتقال ایتدیکنه دلیل کافیدر . ماوراءالنهر طرفلرنده برکونه
موانعه مصادف اولدیغی جهته اورالده کمال سهولته ضبط
ممالکه موفق اولمشدر . یعنی مقدملری کندوسنه تابعیت سوربه ایله
تابع اولان اوچ ملیون قرغزی تحت حکومتنه الهرق سبیرایله
ماوراءالنهر بیلنده واقع بادیه لک برو طرفنه قدر حدودینی توسیع
ایلمش ایلشه ده بردوات منظمه ایچون اقوام وحشیه ایله مسکون
چوللرک خط حدود اولسی محذوردن سالم اولیه جغندن حدودینی
دها ایلرو سورمکی تصور ایله برابر ۱۸۴۸ تاریخنده قره بوداق
واورال واورنبورغ قلعه لرینی انشا ایتشدردولت مشارالیه لک
اشبهو قلعه لری انشا ایتکدن مقصدی بادیه نشین اولان قبائلی
نظارت مقامیه تحتده طوتمق ودها قلعه لر انشاسی ایله سیچون
نهری بوبینی ضبط ایتک اولدیغندن اوسنه ارالسق نهرینک
اغزینده برقلعه دها انشا ایتشدرد . اشته روسیه دولتی حوالی
مذکوردهنی بوجمله تحت حکومتنه المخی تصورات مکتومه سنک
حسن حصولنه موافق کورمشدرد .

خوقند اولر سیچون نهری بوبینه برطاقم قلعه لر انشا برله کلان کچن
قرغز کاروانلرندن فدیبه الدقلری وار باب زراعته تکالیف شاقه
تحمیل ایتدکلی وهر چادر دن خلاف شرع شریف الی قیون
وبرکواخذ و تحویل ایلدکلی وحصاده محصولاتک ثلثی الدقلری
واهایلی انقاریه ایشلرده استخدام ایله برابر محاربه وقوعنده برمدت
غیر محدودده ایله خدمت عسکریه ده قوالاندقلری جهته بویکیغیت قرغزلر .

فوق الغايه کران کلد بکندن بونلر دن مقدار کلی نفوسی ارا ضی
وترلا لر نی ترک ایله چوللره چکدکاری مثللو بر خیلایسی دخی خیسوه
حکومتیه النجا ایتشله ایسه ده اورا ده دخی مظهر عدل وحقانیت
اوله مدقلرند ن خائب اولمشلردر . اشته بو وجهله اورا لری
خوقند لور ایله جنوه لورک میدان منازعه لری اوله رق خراب
اولد بگندن روسیه دولتی اشبو حالات اعنسافیه بی حصول مقصده
تمام فرصت اتخاذا ایدرک اورا ره کلد کده حسن قبوله مظهر اولمشدر .
خیوه و خوقند حکو منلری بویه بر دولت قویه نک سیحون نهری
اغزنده یرلشمسندن طولای بی دوچار تلاش واضطراب اولمشلر
ایسه ده اعلان حرب ایتیموب قرغزلر سز روسیه دولته اعانه
ایده میورسکزدیو ظلم و تعدی ایتدکاری حالده روسیه عساکر بی
اوتده بروده قتل وازعاج ایتشلردر . ارا سقی نام محمله بولنان روسیه
عساکری مقدار جزوی اولد بگندن حکو متین مر قومتنک اشبو
تجسوزاتی منعه مقتدر اوله ما مشدر . فی الواقع محل مذکور ایله
اورنبورغ بیننده مؤخرأ برقاچ قلعه انشا قلمش ایسه ده خوقند
وخیوه لورک دفع مسائلاری ایچون قوه کافیه جلی مشکل ایدی .
ایر کیز نهربنک جنوب طرفه وارا ل دکزینک شرق طرفه یعنی
روسیه عساکرینک سیحون نهری سوا حلنه متوجهه کیده جکری
طریق اوزرنده قره قوم دینلان قوم سالق واقع اولوب اورا لردن
کاروانلرک امد شدی پک مشکدر . حالبوکه اولحوالیدن اوروپایه نقل
اولنان بالجله امتعه و اشیا طریق مذکور واسطه سیله نقل اولد بگندن
کوچک کاروانلره کفایت درجه ده طریق بویه قبول حفر وکشاد
اولمشدر

روسیه لول ظاهر حالده هیچ تشبثی بو غیبه ده خفیا کلی تدارکات
ایله مشغول بولمیشلردر . شویله که اورنبورغ قلعه سنه کلی ذخیره جمع
وتدارک و ارال دکنده اوج قطعه بلکن کبسی وایکی قطعه نیور
واپور سفینه سی پیدا ایشلردر . اشو واپورلر اسو بچره ده انشا اولوب
پارچه پارچه اولدیغی حالده هزار تکلفله بحر مذکوره نقل ایدلمیشدر .
فقط اورالده واپور کوری اولمیشدن طو نیلا ته سنه اوچ یوز فرانق
نقلیه مصرفی و بریلرک خارجدن واپور کوری جلب اولور ۱۸۵۲
سنه سی مابینده تدابیر لازمه اتخاذ وتدارکات مقتضیه اتمام
اولمیشرق (جنرال پروفسکی) سیحون نهری بوینه انشاسی مدت
مدیده دنبرو منصور اولان قلاک بنا سنه شروع ونهر مذکورک
اوبر طرفنده ممکن اولان قرضلر روسیه تبعه سندن بولمیشدن
بوکا توسیع مملکت نظری ایله باقیله جغنی اعلان ایتدی . فقط
خوقند اهالیسی روسیه اولرک اشو حرکانه تجاوز نظریله باقدقلری
مثلاو طوغریدن طوغری به مخاطره ده بولمیان خبوه اهالیسی دخی
روسیه اولرک همجوار اولمیرنده نه درجه تهلیکه اولمیشدی حس
ایتدکلرندن روسیه اولرک سیحون نهردن صوابچر زابسه ایشمز خراب
اولور دیو واوله انداز اولدیله .

مواقع مستحکمه دن اولان اق مسجد شهری ارالسق قلعه سندن تقریباً
یوز فرسخ مسافه ده واقع اولوب اولحوالی به دائر تحقیقات اجرا
ایتمک وشهرک تسلیم قلمسی حقنده صورت تهدید اراهه ایتمک اوزره
شهر مذکور روسیه دولتی طرفندن یوز نفردن حرکب بر فرقه
عسکریه سوق اولندی . خوقند لول روسیه اولرک تقریبندن خبردار
اولدقلری کی قلعه نک خندقلرینه صوصالو پردیلر فقط شو حال عسا کر

مرفومندیه یأس وفتوری موجب اولیوب یاری بلارینه قدر صویه
کیردکاری حالده قلعیه تقرب ایله پیشگاهنده بولان استحكاماتنی
بلا مانع هدم و تخریب ابتدیلر. خوفنداولر امداد ورودینه انتظارا
مقاومنده ثبات ایدوب روسیه لولرک ایسه نه بیوک طویلری ونه ده
زردبانلری اولدیغی جهتله بوقدر مظفریتله اکتفا ایدرک کیرو
چکلمکه مجبور اولدیلر.

برسنه صکره (جنرال پروفسکی) اورنبور غده ارن ایکی طوپ
وایکی بیک رأس بارکیر و بر او قدر دخی دوه واینک یوکی ذخیره ایله
بر مکمل اردو ترتیب ایدرک اف مسجد اوزرینه سوق ابتدی بر طرفدن
خوفنداولر قلعیه بی تحکیم برله اعدانک تقرینه سهوات بخش اولان
سور خارجی بی هدم ایله قلعه ک اطرافنی واسع و عمیق برخندق ایله
احاطه ایتش و اعدا طرفندن ایهله جق کلر کوه و لهرک رخنده دار
اولیه جق درجه ده و زردبان یتشیمه جک یوکسکلمکه طیراقدن
دیوار انشا ایتش اولدقلرندن روسیه اولر اصول حریده توفیق
حصر و تضییقه مبادرت ابتدیلر. فقط جنرال مومی الیه اول امرده
کلی کله انداخت ایتدیله اولو جهله اوز بکری تهدید
ایندکن صکره (هر نقدر سز دروننده ایسه کزده اف مسجد
بنم حکمده در بزورایه برهفته و بوسنه ایچون کلک بلیکه دائمی
صورتله اقات ایتک اوزره کلک اکر جایگزینی محافظه ایتک
ایسترایسه کن تسلیم اولیکز بیهوده یرد جان تلف ایتکی ایسترسکن
اوده ید اختیار کزده در و شوراسنی دخی ییله سسکن که سزک ایله دوز
صحرا ده حرب ایتک استیوب انجق سز قلعیه قبولرینی کشاد
ایدنجه قدر سزی کله ایله زیروز برابده حکم دیو خوفنداولری اخافه

ایشدی . اشبوتیدیدالک برکونه تأثیری مشهود اوله میوب خوفند اولر نهایت
درجه یه قدر محاربه به دوام ایدرز دیو جواب و یردیلر . بونک اوزرینه
روسیه اولر کال شدتله قلعه دی دوککه باشلادقلری مثللو قلعه یی
محیط اولان خندق التندن بر صیچان یولی کشساد ایدرک قلعه نیک
الک بیوک اولان قله سنی لغم واسطه سیله برهوا ایتدیلر اهالی شهر
ممنوع التسخیر عد ایتدکلی قلعه نیک بو وجهله زیروز بر اولدیغنی
کور دکلی کی شدتله فریاد و فغانه باشلادیلر . اوتوز ارشون
اتساعنده بر کدک اچلش اولدیغندن روسیه اولر قلعه یه دخول ایتک
اوزره ایکن قلعه مستحفظلری اوچیوز کشیدن عبارت اولوب
سرکرده لری مقتول اولدیغنی حالده روسیه اولره ینه مقاومت ایدرک
ایکیوز اوتوز نفری شهید اولدیلر . روسیه اولر ضبط قلعه یه موفق
اوله رقی بد اغشاملرینه خیلی اسلحه و مهمات کچدی و قلعه یه
پروفسکی اسمی ویرلدی .

اق مسجدک بو وجهله اسنیلاسی خوفند حکومتک بنای شوکته
بریوک رخنه اچش اولدیغندن حکومت مذکوره طرفندن شهر
مذکورک استردادینه بذل مجهود اولنه جنی ملحوظ بولندیغنی جهته
روسیه اولر ایلرو طوغری کتیوب جیحون نهری ساحلنده ضبط
ایتمش اولدقلری موقعلرده یرلشمکی تصمیم ایدرک برای صکره بری
قازاله نهر صغیرینه و دیگر قره مافشی نام محله ایکی قلعه انشا
وبو وجهله اق مسجد ایله اراق قلعه سنی سلسله استحکامات ایله
ربط ایله واق مجسد قلعه سنه برسنه لک ذخیره سی ایله برابر بیک کشی
مستحفظ عسکری اقامه ایلدیلر . روسیه اولرک اشبوتدایرا احتیاطیه لری
بیهوده اولوب چونکه شهر کانون اولده اون ایکی اون بش بیک

خو قند لو یتش قطعه طوپ ایله کلوب روسیه لوله هجوم ایتدیله .
 درون قلعه ده بولان روسیه لوله خو قند اولر ک مدت مدیده
 محاصره لری کندولرک صیت عسکریه لینه خلل ویرر ملاحظه سیله
 کندولرینک اون مثلی اولان عسکر اوزرینه قلعه دن خروج ایله هجوم
 ایتدیله رشته روسیه عساکری عساکر اسلامیه ایله محاط اوله رق
 منهنم اولوق راده سنه کلمش ایکن برحیله خریده ایله عساکر اسلامیه
 منهنم اوله رق فرار ایتدیله . فقط قرغزل روسیه لوله معاونت ایتکده
 اولدقلری حالد ترکانلرک خصم جانی اولان بویه بردولته معاونتدن
 نیکول ایتدیله . شویله که عزت قطبار نام بر ذات غیرتسمات (بارکیر
 واسلحه من یوقیدر چول قوملرینک صایبسندن زیاده دکلیر شرقه
 و غربه و شماله و جنوبه طوغری توجه ایدیکن هر طرفده قرغزل
 واردر بوحالده نیچون برآوج اجنبی به اطاعت ایدلم) دیوقوم
 مذکور افرادینی روسیه علیه تحریک وباشنه برجم غفیر
 جمع ایلدی . کاروانلری نهب و غارت ایتکده باشلا دیله
 و قلعه له دخی ذخیره کله من اولدی (جنرال پروفسکی) روسیه لولرک
 بولندیغی اشبوتهلکده بی بالمشاهده قوم مذکور افرادی
 میانه سنده برتفرقه القاسنه تشبث ایله عشیرت بکلرندن ارسلان
 سلطانی انواع هدایا و مواعید ایله کندوسته جلب وارسلان سلطان
 دخی عزت قطبارک سرمه قطوعنی کتوره چکنی وعد ایتدی . ارسلان
 سلطان طغوز بوز کشیدن مرکب عونو و برفرقه قزاق عسکری ایله
 بغته عزت قطباری باصوب قتل ایتک استمش ایدسه ده عزت قطبار نیت
 مذکور به کسب وقوف ایدرک برشب مظلمه عساکری ایله برقاج قولدن
 برق خاطف کی ارسلان سلطانی اردوگاهنه کلوب ارسلان سلطانی
 قتل و عونو سنی پریشان ایتدی (بقیه سی صکره)
 (محمد شوقی)